

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXL.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

triam sum, exceptus in urbe Berna, aliisque locis amanter & honorificè, depræhendi plurimos piè sinceriterque affectos, & alios moderatiores multò, quàm fuere hæcenus, quibus opto pietatis & veritatis studium constans, & oculos, quibus Christi & majestatem & oeconomiam vere perspiciant. Cæterum ne nescias, Heckelius vester secundam in Philosophia Lauream pridè Joan. Baptistæ adeptus est, magno bonorum omnium applausu, & insigni vestræ & nostræ Academiæ laude. Deinceps sese totum Theologiæ studio darurus. Ingenio valet & judicio, ut sperem, si super fundamenta, quæ jecit, ædificare pergat, fructus egregios habituram ex ipso Ecclesiam. Mihi se ita hæcenus approbavit, ut habeam charissimum. Quare eundem tibi commendo, ut sicut hæcenus ita deinceps eum fovere & promovere velis. Vastitudinis rationem habendam illi video, propter corporis imbecillitatem, cui insidiatur calculus, idque ut faciat pro virili exhortari & curare soleo. Sed bene vale in Christo Jesu, cum toto presbyterio, uxore & familia, M. Pappo. Scripsi Basileæ, postridis Calendarum Julii, Anno 73.

R. d. T. amicus & frater

S. Sulcerus.

Pro tua in Davidem Huberum Bernatem benignitate & pietate, ingentes gratias agunt tibi, pater optimus senex, unà cum duobus filiis, Christi ministris sincerissimis, qui se tibi fatentur omnia debere, cumque præstare nihil possiat, præcibus supplicibus Dominum pro incolumitate tua invocatuos, quo diutissimè possis provehenda, tuendæque veritati, piisque studiis superesse.

Literas his adjunctas per puerum quæso cum pecuniola mittas juveni.



CXL.

Reverende vir, & clarissime D. Doctor & Superintendens.

DE statu Ecclesiarum Saxonicarum & Danicarum, & de rebus nostris, te docerent filii tui, quos ornatos gradu Licentiatorum in Theologia, ad vos remittimus. Utrumque vehementer amo, propter eruditionem non vulgarem, pietatem eximiam, humanitatem singularem, & morum elegantiam, cum summa suavitate conjunctam. Gradum & insignia Doctorum in Theologia post biennium ipsis non negabimus, si ea apud nos accipere volent. Hoc tempore propter graves causas, gradu Licentiatorum eos ornandos judicavimus. Plura scribere non licet, propter tumultus bellieos, quorum finem futurum esse, speramus. Deum

N R R

um

tum toto pectore oro, ut te Ecclesiis suis quam diutissime incolumem & florentem conservet, & nos in tumultibus & miseriis nostris benigne & clementer tueatur. Bene & feliciter vale. Rostochii, VII. Calendas Julias, Anno à nato JESU CHRISTO, M. D. LXXIII.

Tua Reverentia addictissimus

Simon Pauli.

CXLI.

Salutem in Salvatore.

ANtequam ad tuas, quas mihi Schertius noster reddidit, respondeam, Vir Reverende, frater in Christo honoratissime, primò omnium tibi reverenter & officiosè gratias, quas possum, maximas ago, pro insigni illa tua benevolentia & humanitate, qua uxorem meam, unà cum duabus filiabus, excepisti, tractasti, dimisisti. Et vicissim tibi & tuis omnibus non tam studia quam officia mea animo candido & offero & defero. Utinam daretur occasio, animi mei gratitudinem in consumilibus aut aliis officiorum generibus erga te tuosque declarare. Intelligeres reipla, te tuam in hominem minimè ingratum collocasse. Jam ad tuas ordine respondebo.

Et primò quidem mitto ea, quæ superioribus diebus Doct. Rulandus ex vicinâ Lauingâ ad me misit. Citius sanè, si tabellarium nactus essem, misissem. Interea spero, me à vobis accepturum exemplar ejus scripti, quod sub prælo est, in renumerationem, & sumptuum & laborum meorum.

Deinde, non opus est, ut Reverendi collegæ & fratres tui, mihi gratias agant. His enim paratus sum, in longè gravioribus fraternè inservire. Tu eos vicissim universos & singulos amanter & officiosè salutabis.

Tertiò stipendiarii nostri, sicuti hæctenus, mihi & deinceps erunt commendatissimi. Tandem accipies simul literas ab Hagio nostro, quibus dies nuptiarum tibi & genero tuo significatur. Ad hasego addo aliud nihil, nisi quod mihi planè persuasi, Te, mei causa compariturum, sicut ego certè hanc professionem, Tui potissimum causa, volente Domino, suscepturus sum, ut habeam occasionem de rebus multis copiosissimè tecum conferendi.

Nova apud nos, de Principis Urania exercitu cæso, & Harlemo deserto tristitia sanè sparguntur. Verum claudicantem nuntium semper expectare soleo. Uxor mea, quæ sana & obarsa fatis ex thermis advenit, Te, tuamque officiosè salutari jussit.

Clarissimum D. D. Marbachium, meis verbis amanter & officiosè salutabis, Ad quem ut scriberem, absterruit me Invectiva Sturmii, contra ipsum conscripta, quam